



Broj: 06-1-07-1-738-3/26
Sarajevo, 30. 07. 2026. godine

Na osnovu člana 2.9 stav (1) tačke 4. i 17, a u vezi člana 3.15 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20 i 38/22), Centralna izborna komisija Bosne i Hercegovine je na 46. sjednici, održanoj 30.07.2026. godine, d o n i j e l a

O D L U K U

(1) Odbija se upis u izvod iz Centralnog biračkog spiska za glasanje izvan Bosne i Hercegovine podnosioca prijava, po podnesenim prijavama do 21. 07. 2026.godine, jer nisu ispunjeni uvjeti propisani članom 3.15. stavovi (1), (2) i (3) Izbornog zakona Bosne i Hercegovine iz sljedećih razloga:

R/B	Razlog	Broj
1.	Nije dostavljen dokaz o identitetu	1022
2.	Nije dostavljen dokaz o tačnoj adresi boravka u inostranstvu/nije ispravan dokaz o tačnoj adresi boravka u inostranstvu	1325
3.	Nije popunjen i potpisan obrazac	587
4.	Nije identičan potpis	421
5.	Zakašnjela prijava	106
6.	Više nedostataka	1800
7.	Premинуo	2
Ukupno broj odbijenih prijava birača s privremenim boravkom za glasanje izvan Bosne i Hercegovine je		5.263

(2) Sastavni dio ove Odluke je spisak odbijenih birača za upis u izvod iz Centralnog biračkog spiska za glasanje izvan Bosne i Hercegovine za Opće izbore 2026.godine.

(3) Ova Odluka stupa na snagu danom donošenja i bit će objavljena 30. 07. 2026. godine na internet-stranici Centralne izborne komisije Bosne i Hercegovine www.izbori.ba, i smatrat će se da je danom objave ista dostavljena svim učesnicima u izbornom procesu.

O b r a z l o ž e n j e

Centralna izborna komisija Bosne i Hercegovine je u skladu s članom 3.15 stav (1) Izbornog zakona Bosne i Hercegovine odredila rok do 21. 07. 2026. godine u 24.00 sata za prijem prijava za upis birača u izvod iz Centralnog biračkog spiska za glasanje izvan Bosne i Hercegovine za Opće izbore 2026. godine.

Odredbom člana 3.15 stav (11) Izbornog zakona Bosne i Hercegovine propisano je da ako ispuni propisane uvjete ovog člana, podnosilac prijave nalazit će se u izvodu iz Centralnog biračkog spiska za glasanje izvan Bosne i Hercegovine.

Shodno navedenim zakonskim odredbama, Centralna izborna komisija Bosne i Hercegovine je u postupku provjere dokaza priloženih uz prijave, kojim se dokazuje ispunjavanje uvjeta iz člana 3.15 stavovi (1), (2) i (3) Izbornog zakona Bosne i Hercegovine, utvrdila sljedeće:

- a) dokaz o identitetu – nije priložen, ili nije priložen valjan dokument u smislu članova 3.15 stav (4) i 5.12 stav (4) Izbornog zakona Bosne i Hercegovine;
- b) dokaz o tačnoj adresi – nije priložen valjan dokument u skladu s članom 26. Pravilnika o formi, sadržaju, upotrebi i izradi izvoda iz Centralnog biračkog spiska;

- c) Obrazac prijave nije dostavljen, nije potpisan ili se potpis razlikuje od potpisa na identifikacionom dokumentu ili
- d) elektronska prijava dostavljena nakon određenog roka za prijavu do 21. 07. 2026. godine u 24.00 sata.

Shodno odredbi člana 3.16 stav (2) Izbornog zakona Bosne i Hercegovine, ako državljanin Bosne i Hercegovine iz člana 3.15 stav (1) ovog Zakona ne podnese prijavu prije isteka roka utvrđenog za podnošenje prijave za glasanje izvan Bosne i Hercegovine na narednim izborima, dakle do 21. 07. 2026. godine, nalazit će se u izvodu iz Centralnog biračkog spiska za glasanje na odgovarajućem biračkom mjestu u osnovnoj izbornoj jedinici u kojoj ima prijavljeno prebivalište.

Na osnovu naprijed navedenog i činjenice da podnosioci prijave ne ispunjavaju uvjete propisane članom 3.15 stavovi (1), (2) i (3) Izbornog zakona Bosne i Hercegovine, Centralna izborna komisija Bosne i Hercegovine je na osnovu člana 2.9 stav (1) tačke 4. i 17. Izbornog zakona Bosne i Hercegovine odlučila kao u dispozitivu ove Odluke.

PRAVNA POUKA: Protiv ove Odluke, u skladu s članom 6.9 stavovi (1) i (2) Izbornog zakona Bosne i Hercegovine, može biti podnijeta žalba Apelacionom odjelu Suda Bosne i Hercegovine u roku od dva dana od dana objave ove Odluke.

Žalba se podnosi preko Centralne izborne komisije Bosne i Hercegovine i dostavlja se putem faks-aparata na broj 033/251-329, elektronskom poštom na e-adresu info@izbori.ba ili lično u sjedište Centralne izborne komisije Bosne i Hercegovine, Ulica Danijela Ozme broj 7 Sarajevo.

